

新城縣志卷十九

地物篇_{十二}

庶物_二

杏花 四民月令杏花生播百穀王敬美云杏花無奇多種成林則佳今案桃花亦以多爲貴白居易詩云明日期何處杏花遊趙村注云洛城東趙村杏花千餘樹

桃花 畿輔舊志有山桃園桃惟千葉碧桃爲最六街花事云桃花有白者亦上苑異種今案桃花有一花分數色者亦奇異也崔實月令云三月桃花盛開農人候時而種杜甫詩桃花一簇開無主可愛深紅愛淺紅樂府有桃花行山桃能接梅花

李花 李志云承平舊纂蕭瑀陳叔達于龍昌寺看花評李有九標謂香雅細淡
新城縣志卷十九
地物篇 庶務 花
一
潔密宜夜月宜綠鬢宜白酒李商隱詩滅粉與園籜分香沾渚蓮今案蓮花開時李花早謝矣既不同時如何能分香以沾之耶

梨花 李志陶穀清異錄司空圖菩薩蠻詞謂梨花爲瀛州玉雨六街花事梨花有紅者邱爲詩云冷豔全欺雪餘香乍入衣春風且莫定吹向玉階飛案唐詩梨花院落溶溶月賦景尤妙

碧桃 羣芳譜王敬美云桃多植以取果可供玩者莫如碧桃今案碧桃葉如桃葉開白華不實

鞠 說文鞠治牆也今作菊郭璞云今之秋華菊御覽引風土記作落鞠注云落音苔非也治牆皆加草乃後出之字落即治不得音苔周處風土記云日精落籬皆菊之花莖別名也生依水邊其華煌煌霜降之時惟此草盛茂九月律中無射俗尙九日而用候時之草也故本草云鞠一名節花案說文鞠日精也似

秋花既云似則與菊不同周處說非也古時菊惟黃花鍾會菊花賦亦祇言黃花後世以蒿接菊菊遂有各色花亦大然亦有本根不接者近來由日本來者千變萬化尤爲大觀今案抱朴子云菊花一名周盈本草綱目曰女節古今苑曰禽華本作鞠與蕙苾花相似以甘苦別之菊甘而蕙苦其類有錦褒似粉西施鶴頂紅雞冠紫金芍藥錦荔枝玉寶相銀鈕絲數百種范成大譜有藤菊可編作屏風尤異近年文人學士之養菊者各有品題古名遂不多見矣

荷 爾雅荷芙渠郭注別名芙蓉江東呼荷其莖茄其葉遮其本密注云莖下白藕在泥中者其華齒蒼其實蓮注云蓮謂房也其根藕其中的注云蓮中子也的中薏注云中心苦李巡云皆分別蓮莖葉華實之名芙渠其總名也陸機疏云蓮青裏皮白子爲的五月中生至秋表皮黑的成實或可磨以爲飯如粟也爾雅翼引詩義疏云其華未發爲齒蒼已發爲芙渠郭音義云北方人以藕爲

新城縣志卷十九

地物篇 庶物 花

二

荷亦以蓮爲荷今案古今注荷一名水芝一名澤芝一名水芸一名水花一名玉環荷有紅蓮白蓮二種白蓮最貴

牡丹 花譜云牡丹本無名依芍藥得名故其初名爲木芍藥通志云自謝康樂始言永嘉竹間水際多牡丹至武則天已後而盛通雅云王珣所引呂覽月令田鼠化爲鴛下有牡丹花則周末已名牡丹矣清異錄云洛陽內臨芳殿牡丹千餘本其名品有百葉仙人月宮花小黃嬌雪夫人粉奴香蓬萊相公御衣紅紫龍杯三雲紫火燄奴太平樓閣歐陽修牡丹花品凡九十餘種陸游譜牡丹在中州洛陽爲第一在蜀天彭爲第一本草牡丹一名鹿韭鼠姑白者曰蟾精雪魄纏枝牡丹曰旋蕃羣芳譜一名百兩金又名雄紅唐人詠牡丹詩最夥今案甘肅牡丹成樹大四五圍一株花近千朶使司署中尤盛隴上天氣極寒而隆冬並不掩蓋無凍死者

芍藥 廣雅云學夷芍藥也學夷聲轉爲留夷張注上林賦云留夷新夷也新夷又作辛夷王注楚詞九歌云辛夷香草也郭璞注西山經云芍藥一名辛夷六香草韓詩云離草也言將離贈此草也本草云芍藥猶焯約美好貌羣芳譜一名餘容一名鉞一名犁食一名將離也鄭虔胡本草謂之錦繡根沒骨花唐人謂之婪尾春產維揚者甲於天下黃色有御衣黃道粧成紅色有金帶圍冠羣芳紫色有疊香英蘸金香白色有蓮香白玉盤盃等劉貢父譜三十一品孔常父三十三品王通叟三十九品祈津日記云京師豐臺芍藥連畦接畛荷擔市者日萬餘莖張九齡詩云名見桐君錄香聞鄭國詩孤根若可用非直愛華滋呂溫云貞元十四年旱甚見權門移芍藥花詩云綠原青隴漸成塵汲井開園日日新四月權門移芍藥不知憂國是何人又案古之所謂芍藥皆係調和之名司馬相如子虛賦云芍藥之和揚雄蜀都賦云甘肅之和芍藥之羹文穎云

新城縣志卷十九

地物篇 植物 花

三

勺藥五味之和也韋昭云勺藥和齊鹹酸美味也陸氏引以爲今之芍藥誤矣向日葵 俗名望日蓮高丈餘黃花大如盤盃其心向日故亦名轉心葵古詩所謂惟有葵花向日傾者也詩六月烹葵之葵與此異葵有多種此葵惟子可食天有十日葵與終始故葵從癸李志名大黃葵一曰衛足

萱 說文作蕙云忘憂草也東哲發蒙記云甘棗令人不惑萱草可以忘憂崔豹古今注云欲忘人之憂則贈以丹棘一名忘憂草也任昉述異記云萱草吳中書生謂之療愁風土記云花曰宜男妊婦佩之必生男蘇頌云俗謂之鹿蔥鹿別良草而食之一種小而純黃曰金萱甚可食六街花事萱草又一名紫萱徐勉有萱草花賦說文云蕙或從煖

石竹 此即爾雅之大菊蘧麥說文用爾雅繫傳云今謂之瞿麥又名句麥一名大菊一名大蘭陶注本草云一莖生細葉花紅紫赤可愛子頗似麥故名瞿麥

陸佃解薛詩外傳云生子於兩旁謂之嬰比麥之種旁生故也郝懿行云瞿麥一名巨句麥郭遂據廣雅以爲

麥句薑似誤本草麥句薑乃地菘即爾雅菘豕首也麥句巨句二名相亂今案石竹華大如錢葉形似竹莖亦有節以是得名其華紅紫黃白共翠葉爭鮮如陶所云今案李志云又名洛陽花洛陽錦

刺梅 即羣芳譜之刺蘼灌生莖多刺葉圓細而青重葉狀似玫瑰而大艷麗無香花有黃白二色

玫瑰 農書玫瑰花呼離娘草姚寬西溪叢話玫瑰爲刺客羣芳譜一名徘徊花南海諺云地珠千枚不及玫瑰玫瑰美珠也今花亦有玫瑰蓋貴之因以爲名遵生八箋云燕中有黃花者稍少於紫今案羣芳譜云灌生花葉類薔薇清芳可製酒餌

薔薇 李志云有朱干薔薇荷花薔薇有黃者淡黃鵝黃者又有白者紫者黑者

新城縣志卷十九

地物篇 雜物 花

四

肉紅粉紅者五色者重瓣厚疊者羣芳譜云薔薇藤身叢生莖青多刺一名刺紅一名山棗一名牛棘一名牛勒一名買笑一名墻麻清異錄云許俊分後圃薔薇忽根下掘一石如雞卵狀人遂呼薔薇爲玉雞苗今案薔薇蔓生需架本草營實一名牆薇徐凝薔薇詩花到薔薇明艷絕燕支頰破麥風秋儲光羲詩秦家女兒愛芳菲畫眉相伴采歲蕤高處紅鬚欲就手低邊綠刺已牽衣七姊妹十姊妹體態相類種法亦同

除蘼 李志云清異錄除蘼有七曰白蔓君晶宇天花花聖人慈恩傳粉綠衣郎獨步春沈香密友羣芳譜一名百宜枝一名瓊綬帶一名雪瓔珞本名茶蘼一種色黃似酒故加酉字開時婦人取置書冊冬間插鬢謂之花腊

榆葉梅 一名蘭枝

江西臘 一名六月菊種甚繁諸色皆備

荷包牡丹 李志云即當歸花一名朝鮮牡丹苑西集云碧葉紅花娟潔可喜爲
春時草花第一

夾竹桃 俗名柳葉桃花而不實有紅白單雙瓣數種多蓄盆中郝懿行云今羊
桃即夾竹桃華紫赤色鄭箋詩長楚云鈹弋之性怡生正直及其長大則其枝
猗儺而柔順不妄尋蔓草木此說得之

穠稽花 爾雅荇戎葵郭注云今蜀葵也似葵花如木槿戎蜀皆言大也郭懿行
云今蜀葵葉如葵而大莖高丈許江南呼爲丈紅華京師呼穠稽華登萊又呼
穠齊華並蜀葵之聲相轉耳爾雅翼引古今注云戎葵似木槿而光色奪目有
紅有紫有青有白有黃莖葉不殊但花色異耳今案甘肅有黑色者一種數十
畝如禾稼以此花染菸葉今之蘭州菸是也此花宿根亦種子境內甚多各色
皆備人亦不甚貴之

新城縣志卷十九

地物篇 庶物 花

五

翦秋羅 一名漢宮秋色葉小而密花小而艷

金銀花 此花即忍冬也一名金銀藤一名鴛鴦藤一名鸞鷟藤一名老翁藤一
名蜜筍藤左纏藤又名通靈草說文云葱蔥冬草也本草忍冬陶注云今處處
皆有藤生凌冬不凋唐本注云此草藤生繞覆草木上莖苗紫赤色宿蔓有薄
白皮膜之其嫩蔓有毛葉似胡豆亦上下有毛花白藥紫

秋茉莉 一名草茉莉謂花似茉莉而草本也一名粉豆花謂其子如黑豆而中
有粉也又名十樣綿謂其花有數色也俗名秋丁香今園圃中此花家家有之
高一二尺有一花數色者俗謂之抓破臉

玉簪 李志云羣芳譜一名玉簪一名白鶴仙一名季女未開時正如白玉搔頭
簪形漢武帝寵李夫人取玉簪搔頭後宮皆效之玉簪花之名始此一日白鶴
仙側金盞秋葵綠莊嚴境內有紫色者今案此花宿根繁則分移花開時香滿

一院

望江南 李志云一名注芒决明救荒本草所言小扁豆也苗葉可作酒麴呼爲獨占缸角可醃良

扁竹 李志云即紫蝴蝶花一名扁莧一名鬼扇一名烏扇一名烏吹一名烏蒲一名仙人掌一名紫金牛一名野萱花一名草薑一名黃蘗根名射干案廣雅云爲尾烏蕙射干也本草爲尾生九疑山谷唐本注云爲尾葉似射干而短闊不抽長莖花紫碧色根似高良薑皮黃肉白射干花紅抽莖長根黃有白是爲尾射干一種而小異也今案射干應陽氣而生郭璞注云上林賦云射干十一月生香草也

合驩 博物志合歡獨忿古今注云欲獨人之忿則贈以青棠花譜合驩一名合昏一名青棠一名夜合本草一名萌葛一名烏賴樹金光明經謂之尸利灑樹

新城縣志卷十九

地物篇 庶物 花

六

今案俗名馬纓花古謂之檜樹

雞冠 李志云形色不一羣芳譜有掃帚雞冠瓔珞雞冠鴛鴦雞冠壽星雞冠此地有紅黃白三色亦有鴛鴦雞冠高志別名青箱今案羣芳譜矮雞冠或云即玉樹後庭花花史雞冠花名波羅奢楓腮小曠汴京謂之洗手花解縉嘗侍明太祖命賦雞冠縉應聲曰雞冠本是臙脂染上袖中出白雞冠縉又曰如何今日淺淡妝只因五更貪報曉黎明猶戴滿頭霜又有黃色者

牽牛 李志云一名草金鈴一名狗耳草子有黑白二種陶宏景云此藥始出田野人牽牛易藥故以名之李時珍云近人隱其名爲黑丑白者爲白丑蓋以牛屬丑也酉陽雜俎曰盆甌草今案中土牽牛蔓生花藍色如酒盅子大近年自日本來者花大如碗各色皆備

西番蓮 郝懿行云西番蓮獨莖高大青葉葉小於掌華大於盤深黃色中有紫

心子如松子亦堪芻食今案西番蓮有一種莖似大麻子花如蜂窩境內間有盆種者

木槿 爾雅椴木董櫬木董郭注云別二名也似李樹華朝生夕隕可食或呼日及亦曰王蒸釋文云櫬木又作蕪董本或作槿詩有女同車章傳云舜木槿也司馬彪以莊子朝菌爲大芝云一名日及支遁云一名舜英潘尼云木槿也而司馬又以大椿爲櫬木槿皆大誤也今案日及王羲之帖作日給呂覽高誘注云華可用作蒸故名王蒸蒸之可啖也

鳳仙 俗名指甲桃或名海娘子羣芳譜云一名旱珍珠一名小桃紅莖有紅白二色葉長而尖似桃柳葉花有頭翅羽足翹然如鳳花可染指甲故名指甲草莖可作齋入藥爲急性子今案史光宗李后小字鳳宮中避之呼爲好女兒花舊志曰海南子即俗呼海蔞花音之轉也

新城縣志卷十九

地物篇 庶物 花

七

剪春羅 李志云一名剪紅羅李時珍云入夏開花深紅色花六出周迴如剪成可愛又有剪紅紗葉旋覆夏秋開花境內名剪秋羅

金絲荷 一名旱金蓮

蓼 爾雅蓼虞蓼郭注云虞蓼澤蓼

說文以蓼處斷句

說文蓼辛菜內則烹魚用蓼取其

辛能和味類聚八十二引吳氏本草云蓼實一名天蓼一名野蓼一名澤蓼蓼有數種而皆水生故毛傳云蓼水草也郝懿行云蓼花皆紅白色澤蓼即水蓼葉比水荳而狹較馬蓼而小焉蓼葉中間有墨點呼墨記草也劉向別錄云尹都尉有種蓼篇李志云夢溪筆談六宅使何承矩議因陂澤之地潛水爲寒欲自相度恐其謀洩日會僚友泛船置酒賞蓼花作蓼花游數十篇繪爲圖畿輔舊志江鄉花也北方高幾一丈俗呼爲水荳花今案水荳花即爾雅之紅龍古詩隱有游龍傳云龍紅草也陸疏云一名馬蓼葉大而赤白色生水澤中高丈

餘廣雅云葑龍蕒馬蓼也馬者大也較蓼爲大故云馬蓼

竹葉青 李志云一名碧竹子通雅一種曰淡竹葉根數十鬚結子似麥冬但堅硬耳今采作酒麴一種鴨跖草即藍胭脂草也杭州川綿染其花作胭脂可作夜色一名竹雞草耳環草藍姑草碧蟬花亦曰淡竹葉高志又名翠娥眉青蜂兒

雁來紅 李志云羣芳譜老少年一名雁來紅至深秋脚葉深紫而頂葉嬌紅花譜純紅者名老少年紅紫黃綠相間者名錦西風又名十樣錦錦布衲

金錢 李志云莖花譜一名長春花羣芳譜一名香葉草一名杏葉草一名金錢草

金錢 格物叢話花以金錢名言其形似也惟欠稜廓耳風土記云日開而夜落羣芳譜一名子午花一名夜落金錢又有銀錢一種

新城縣志卷十九

植物篇 庶務 花

八

月季 一月一花種甚繁羣芳譜云一名長春花一名月月紅一名鬪雪紅一名勝春一名瘦客

海棠 羣芳譜海棠有四種鐵梗海棠花如胭脂垂絲海棠花色淺紅其稍紅者名西府海棠有生木瓜可食者名木瓜海棠帝京景物略云上西府次鐵梗次垂絲贗者木瓜新邑境內多有之又有白海棠花實尤美白居易詩淚痕裊損燕支險剪刀裁破紅綃巾謫仙初墮愁在地姪女新嫁嬌泥春李紳詩瓊蕊籍中開閨苑紫芝圖上見蓬萊其言瓊蕊蓋詠白海棠也曾端伯十友以海棠爲名友牡丹榮辱志云海棠曰花命婦花戚里江左謂之川紅香者產昌州石延年詩錦窠杯裏影繡段隙前烘海棠也八月春秋海棠

秋海棠 採蘭雜志昔有女子懷人不至淚洒於地遂成此花色如婦面甚媚名斷腸花羣芳譜所謂八月春也

丁香 有紫白二種紫似棟花白似探春齊民要術云雞舌俗丁香杜甫江頭五詠有丁香花譜以丁香爲情客

迎春 叢生高一二尺方莖厚葉正月初開多有臘底開者故名花黃如瑞香不實羣芳

譜一名金腰帶人家園圃中多種之長春花葉皆似迎春惟春夏秋三季皆花探春白玉紫香二種畿輔舊志云

金雀 李志云羣芳譜叢生莖褐色花生葉旁色黃形尖旁開兩瓣勢如飛雀境內又有一種金雀梅

百合 莖高三尺許葉似大柳葉開淡黃花李志云一名離一名強羅一名蒜腦譜一名摩羅一名重箱一名中逢花一名重邁一名中庭顧野王玉篇云離乃百合蒜也化書云賢女化爲貞石山蚯化爲百合陸游詩更乞兩叢香百合老翁七十尙童心

新城縣志卷十九

地物篇 庶務 花

九

紫薇 酉陽雜俎紫薇北人呼爲猴郎達樹謂其樹無皮猴不能捷也北地其樹

絕大有環數臂者羣芳譜一名百日紅一名怕癢花一名猴刺脫樹即猴郎達音之轉

劉禹錫詩紫茸垂紺縷金樓攢鋒穎

罌粟 罌粟一作鶯粟本草象穀罌粟也別種曰麗春一名滿園春虞美人連珠

山丹蘇軾詩云道人勸飲雞蘇木童子能煎鶯粟湯馮子振十八公賦云或簪

烘霽之罌粟或戴凝霜之菊英罌粟或名米囊郭震詠米囊詩云開花空道勝

于草結實何曾濟得民卻笑野田禾與黍不聞絃管冠青春罌鶯字聲同故通

用罌粟土名鴉片春種夏收花有紅白諸色其頭臺大如雞卵割取其漿即爲

煙土其種英人自印度運來道光間禁吸鴉片煙犯者論斬然愈禁而吸者愈

多咸同以來中國自種者徧各行省道光末年朝廷厲禁種煙廣東一戰而煙

禁大開光緒年間與英人立約限其進口之數而中國則自行禁止此後其利

遂歸外人民國雖依舊約而各省以籌款之故仍令民間開種掩耳盜鈴政府亦虛應故事徒增煩擾而已

以上花草之類

布穀 爾雅鳩鳩鵠郭注云今之布穀也江東人呼爲穫穀方言布穀自關東西梁楚之間謂之結詰月令仲春之月鷹化爲鳩鄭注云鳩搏穀也搏穀又轉爲擊穀陸疏一名桑鳩本草拾遺云江東呼郭公北人云撥穀似鵠長尾牝牡飛鳴以翼相拂擊六書故云其聲若曰布穀又曰勃姑曰步姑曰卜姑曰保姑其身灰色翅尾末俱雜黑色農人候此鳥鳴布種其穀矣邑人呼爲山鷓子

戴勝 爾雅鷓鴣戴勝郭注云鷓即頭上勝今亦呼爲戴勝鷓鴣猶鳩鵠聲轉耳方言以戴勝鷓鴣戴勝戴南戴鷓服鷓鷓鷓爲一鳥呂覽高注謂戴任生於桑三月其子彊飛從桑空中來下故曰戴任降於桑也方言謂鳩鳩爲戴勝郝氏

新城縣志卷十九

地物篇 庶物 花 禽

十

云鳩鳩巢居戴勝乃生樹穴中本非同物方言失之戴勝即今之樓樓穀小於鷓鴣黃白斑文頭上毛冠如戴華勝常以三月中鳴鳴自呼也今案邑人呼爲姑姑敦以其聲似之又呼爲山裏和尚

鳩鳩 此亦布穀之一種李時珍云布穀名多皆因其聲而呼之陸機詩義云鳩鳩大於鳩而帶黃色其鳴相呼而不相集二月穀雨後始鳴夏至後乃止古人有呼爲割麥插禾者有呼爲阿公阿婆者亦呼爲脫卻破褲今里人呼爲光棍得除又謂之歌穀

燕 爾雅燕燕說文云乙燕燕元鳥也籀口布翅枝尾象形春分來秋分去夏小正二月來降燕乃睇室傳云燕乙也降者下也言來者何也莫能見其始出也故曰來降言乃睇何也睇者眇也眇者視可爲室者也百鳥皆曰巢室穴也謂之室何也操泥而就入人家內也九月陟元鳥蟄傳云陟升也元鳥者燕也

先言陟而後言蟄何也陟而後蟄也今案燕將入蟄之時必羣聚高飛三二日即不見而入蟄矣故言陟而後言蟄也法言又謂之朱鳥以其頷下赤也燕有二種陶注本草云紫脣輕小者是越燕脣班黑聲大者是壺燕今以赤頷爲拙燕班黑者爲巧燕皆就其巢而言拙燕以泥草堆壘爲巢圓形巧燕銜泥堆結其巢長形此爲異耳

鷓鴣 爾雅鷓鴣鷓鴣郭注云小黑鳥鳴自呼江東呼爲烏鴟廣雅云車搗鷓鴣禮也今案鷓鴣當爲鷓淮南說林訓云烏力勝日而服於鷓禮是也是鳥小於烏常見鳥在下而鷓在上時時下啄其背高誘淮南注云爾雅謂之神笠今作鷓秦人謂之祝祝左傳注云祝鷓鷓如鷓當作鷓鷓時晨鳴人舍者鴻鳥皆畏之前楚歲時記云春分有鳥如鳥先雞而鳴聲如加格加格民候此鳥鳴則入田以爲催人駕犁格也加格即車搗語聲之轉此鳥黑身長尾今人謂之笠車即鷓鴣之聲轉也

新城縣志卷十九

地物篇 庶物 禽

十一

鷓 廣雅鷓鴣也鷓鴣也鷓與鷓爲二物爾雅鷓鴣其雄鷓牝郭注云鷓鴣屬說文云鷓鴣屬也鷓鴣屬也夏小正三月田鼠化爲鷓傳云鷓鴣也爾雅鷓鴣母郭注云鷓也鷓與鷓同爾雅又云鷓子鷓鴣公食大夫禮及內則以鷓鴣並舉皆二物不同之證今案鷓黃黑雜文大如秋雞無尾鷓較長大黃色無文長頸長背善鬪其鳴以背插地如牛鳴窈今邑人通呼爲鷓鴣呼鷓爲黃蠟鷓子鷓讀如門音之轉也

鷓 已詳上條

鳥 說文鳥孝鳥也小爾雅云純黑而反哺者謂之慈鳥小而腹下白不反哺者謂之雅鳥白頂而羣飛者謂之燕鳥掌禹錫云慈鳥似鳥而小羣飛啞啞北方謂之寒鴉今案雅鳥天寒始至邑人謂之墨雅墨聲轉爲麥鳥謂之老雅人聞其聲者謂之不祥

鵲 說文鳥鵲也象形篆文作鵲鳥鵲並與鵲同廣雅云唯鵲也淮南子云乾
鵲知來而不知往高注云乾鵲鵲也人將有來事憂喜之徵則鳴此知來也知
歲多風卑巢於木枝人皆探其卵故曰不知往也西京雜記云乾鵲噪而行人
至今人聞其噪則曰有喜事將至故通謂之喜鵲鵲鵲蓋喜鵲之類非即鵲也
黃鸝 爾雅倉庚商唐郭注云即鶯黃也說文云離黃倉庚也鳴則蠶生方言云
離黃或謂之黃鳥或謂之楚雀案黃鳥即今黃雀大如瓦雀詩所謂絲蠻睨院
者是黃鳥之聲與黃鸝聲高而亮者迥別此鳥好羣飛里人以翻車籠置於樹
上內以一黃雀爲媒鳴則羣鳥皆集一登翻車則落於籠內矣邑人多蓄之者
爾雅皇黃鳥即謂此物郭璞以黃離留當之誤矣此鳥又名鶯詩之有鶯其羽
是也陸疏以黃鶯爲黃栗留亦誤黃鸝大於黃鳥三四倍陸疏謂之黃離留或
謂之黃栗留幽州人謂之黃鶯一名倉庚一名商庚一名鶯黃一名楚雀齊人

新城縣志卷十九

地物篇 鳥物 禽

十一

謂之搏黍當其熟時來在桑間故里語曰黃栗留看我麥黃甚熟今案黃鸝頸
端細毛雜色體毛黃而翅及尾黑色相間文采陸離其鳴聲若云誰家與我換
皮襖陸疏以黃鳥當之非也杜甫詩兩箇黃鸝鳴翠柳即此也

雀 李志云春秋運斗樞瑤光散而爲雀古今注云雀一名家賓通雅云俗曰瓦
雀在堂樞間也老而斑曰麻雀唐詩雙雙瓦雀侵書案是也又名褐雀以其色
褐也古假爵爲雀夏小正云爵入大水化爲蛤

鶻 本草新補云白鶻鶻類也周禮庖人掌六禽注云鶻性喜合凡鳥雄乘雌
惟鶻雌乘雄逐月有子今驗之鶻亦雄乘雌者張九齡以鶻傳書唐明皇呼爲
飛奴今歐美人多效之

鷹 鶻 大者曰鷹小者曰鶻鷹搏兔鶻毆雀鷹有三種一曰黃鷹以爪抓兔一
曰兔花拳其爪以擊兔一曰蒼鷹盤旋空際不善擊捉地蟲豸食之常捕乳雞

能下奪人手之肉廣雅云鶻鶻鶻子籠脫鶻也鶻鶻即題肩之聲轉爲鶻爾雅鶻負雀又名爲隼毛詩義疏云隼鶻屬也或謂之題肩或謂之雀鷹春化爲布穀者是也廣志云鶻子大如壺燕色似鶻食雀籠脫擊鳩鶻皆鶻屬今邑中又有一種俗名胡巴拉小於鶻灰色黑眼角亦善捕雀不知是何種飛不能高來往草木叢中

啄木 爾雅鴝斲木郭注云口如錐長數寸常斲木食蟲因名云淮南說山云斲木愈齟蓋此鳥善啄蟲故治蟲齒之病禽經鴝志在木本草云此鳥善禁法能曲爪畫地爲印則穴之塞自開開輒以翼毀之不令人見爾雅翼云此鳥褐者是雌斑者是雄又有青黑色者頭上紅毛如鶴頂山人呼爲山啄木今邑中呼雌者爲臭啄木名之曰賁嗒喇木狀其聲也抱樹而上左右迴顧避藏

紅脖 一名紅殿科褐色項下正赤俗名抹一刀善鳴人多籠畜此鳥惟北方有

新城縣志卷十九

地物篇 庶務 禽

十二

之

藍脖 一名藍殿科與紅殿科一種惟項下藍耳又名馬藍花

竹雞 爾雅鴝鶉剖葦郭注云好剖葦皮食其中蟲因名云江東呼蘆虎似雀青斑長尾當即其類今案此鳥古名竹雞一名泥滑滑象其聲也今邑人呼爲葦昨子結巢葦中以馬尾或人髮繫之不知如何結造故有巧婦之名鴝鶉即鴝鶉說苑云鴝鶉巢於葦之蒼蒼之以髮可謂完堅矣大風至則蒼折卵破者何也所託者然也鴝鶉其名當多蓋一類也

鳧 爾雅鶻沈鳧郭注云似鴨而小江東亦呼爲鶻音施陸機疏云大小如鴨青色卑脚短喙水鳥之謹愿者此即今之水鴨郭注方言云今江東有小鳧其多無數俗謂之寇鳧凡物盛多謂之寇今案水鴨見人則沒入水中里人謂之水沽丁即此也

鴟鴞 鴟鴞惡鳥也俗名貓兒頭大於鷹其首如貓晝不見物夜則飛鳴故又名夜貓鴞即梟長成則食其母而後飛故人呼爲不孝鳥集人屋上則皆以爲不祥其聲曰殺殺貓諺云不怕夜貓叫全怕夜貓笑其笑聲蓋尤憎人也詩之言有鴟萃止翩彼飛鴞皆謂惡鳥獨爾風之鴟鴞韓詩以爲鷓鴣爲鷓鴣陸疏亦以爲桑飛小鳥甚矣人之好異也鴟鴞爲武庚之亂而作故曰取子毀室鷓鴣何以取子毀室耶鴟鴞種甚多名稱不一爾雅云鷓鴣鷓鴣郭注云鷓屬又云狂茅鷓怪鷓梟鷓雀老鷓鴣鷓鴣廣雅云肥鷓鴣鷓鴣鷓鴣鷓鴣鷓鴣老鷓鷓鴣至賈誼之賦服鳥舍人之注鉤鴞郭注之木兔爾雅翼之士梟說文之鷓鴣舊衆經音義三訓侯訓狐說文之鷓鴣淮南之鼓造漢書郊祀志孟康注之食母破鏡皆是也

以上禽之類

新城縣志卷十九

地物篇 庶物 禽獸

十四

狐 說文狐禘獸也鬼所乘之有三德其色中和小前大後死則邱首本草陶注云江東無狐皆出北方及益州形似狸而黃亦善能爲魅埤雅狐性疑疑則不可以合故從狐省有黃白黑三種杜詩白狐跳梁黃狐立抱朴子玉策記云狐滿三百歲暫變爲人形今驗狐黃者多鮮有白與黑者黑者則尤貴也

鼯 說文鼯如鼠黃而大食鼠者釋獸鼯鼠郭注云今鼯似鼯赤黃色大尾啖鼠江東呼爲鼯今案此物邑人通呼黃鼯又名黃鼠狼取其豪制筆謂之狼豪鼠須

獾 說文獾野豕也淮南子云獾貉爲曲穴方言云獾關西謂之獾注云獾豚也獾或作獾爾雅云獾子獾郭注云獾豚也一名獾李時珍云獾豬獾也獾狗獾也二種相似而略殊本草衍義云獾肥矮毛微灰色頭連脊毛一道黑背尖黑尾短闊蒸食之極美其皮可爲褥但毛脆易折耳案今獾形如豬穴於地中善

攻隄岸其子名獾

狸 說文狸伏獸似羆廣雅云狸狸貓也莊子秋水篇云捕鼠不如狸狴今呼家者爲貓野者爲野狸野狸即野貓也顧注急就篇云狸一名狴亦謂之狸江淮陳楚之間謂之爲狸其子狸王氏補注云狸者狐之類狐口銳而尾大狸口方而身文黃黑彬彬故次於豹大射儀奏狸首注云狸之言不來也徐廣云狸一名不來今案狸善捕鼠食雞而亦食貓貓見之即不敢動先使赴河飲水將肚腹洗淨而後食之其子名狸亦作肆夏小正狸子肇肆是也

兔 說文兔獸名象踞後其尾形兔頭與兔頭同春秋運斗樞云玉衡星散而爲兔典略云兔者明月之精乾鑿度云決鼻兔也古今注云兔口有缺尻有九孔論衡云兔舐毫而孕及其生子從口而出玉篇云兔毫可以爲筆今案兔有二種一種生於野古之所謂兔者皆野兔也一種畜於家者甚馴順各色皆備言

新城縣志卷十九

地物篇 庶務 獸

十五

自西洋來其形無異

鼠 說文鼠穴蟲之總名也象形春秋運斗樞云玉衡星散而爲鼠左傳云鼠晝伏夜動盧元明賦云跣實排虛巢居穴處今境內鼠有二種一爲家鼠嘗穴居人家室壁間詩所謂穿墉之鼠也一爲野鼠夏小正所謂田鼠出田鼠化爲鴽者也二者形皆相似惟家鼠毛較蒼耳

碩鼠 即田鼠也說文作鼯鼠以爲五技鼠舍人變光皆謂即詩之碩鼠害稼者也或謂螻蛄今驗當即今之倉老鼠嘗見此鼠於五穀熟時雌雄並出採食雌者仰臥雄者銜一穗置雌者腹上再取再置滿抱而後雄者以其口齒扣雌者之下齒拉入穴中其穴甚寬淨各種糧食皆各歸各所其臥處築一土臺高地數寸其厠所則別在一處安排極有次序其穴有前後兩洞嚴冬雪後里人尋其穴挖之可得雜糧二三斗其肉炙之甚美但不言五技鼠耳詩之碩鼠當即

此物

鼯鼠 爾雅釋獸鼯鼠郭注云地中行者說文云伯勞所化一曰偃鼠本草云鼯鼠在土中行陶注云俗中一名隱鼠一名鼯鼠形如鼠大而無尾黑色長鼻甚強常穿耕地中行衍義云今京畿田中甚多脚短尾長寸許目極小項尤短今案此鼠形扁故曰偃絨毛灰黑色柔細可愛里人呼之爲地排子害稼種尤甚

以上獸之類

鯉 爾雅鯉鱣說文本爾雅舍人云鯉一名鱣毛傳鄭箋及前儒皆謂此魚有兩名惟郭樸謂鯉今赤鯉魚鱣大魚似鱣而短鼻在頰下體有邪行甲無鱗肉黃大者長二三丈今江東呼爲黃魚今案其形狀與鯉迥別無緣合而一之郭以爲爾雅是六魚之名但與全書體例不合耳本草謂鯉爲魚王無大小脊旁鱗皆三十有六鱗上有小黑點文有赤白黃三種李奇注史記鮪能度龍門之限

新城縣志卷十九

地物篇 庶物 獸 鱗介

十六

則爲龍後乃譌爲鯉跳龍門矣

魴 爾雅魴魴郭注云江東呼魴魚爲魴一名魴說文云魴赤尾魚也此大誤魴魚並非赤尾許見詩有魴魚頰尾之語遂以爲赤語不知傳言魚勞則尾赤非真赤尾也廣州記魴魚廣而肥魴魚之美者也詩衡門魴與鯉並舉二物皆魚之至美者陸機疏云魴今伊洛濟潁魴魚廣而薄肥而少力細鱗魚之美者遼東梁水魴特肥而厚故其鄉語曰居就糧梁水魴今案魴魚又名鰱魚以其形扁故呼爲鰱杜甫詩漫釣槎頭縮項鰱是也今新城河水中皆有之

鱣 廣雅鱣鱣也鄭箋詩敝笱云鱣似魴而弱鱣陸疏云鱣似魴而頭大其頭尤大而肥者徐州人謂之鱣或謂之鱣幽州人謂之鴉鷁或謂之胡鱣鱣一作鱣埤雅云鱣魚色白北土呼爲白鱣高志云黃者鱣白者鱣黑者鱣今人通呼鱣子

黃鯛魚 李氏本草綱目云黃鯛魚生江湖中小魚也狀似白魚而頭尾不昂扁身細鱗白色闊不踰寸長不近尺可作鮓煎炙甚美北人訛爲黃骨魚今里人又訛爲黃瓜魚

鱒 爾雅鱒鱒郭注云似鱒子赤眼爾雅翼云鱒魚目中赤色一道橫貫瞳魚之美者今謂之赤眼鱒食螺蚌喜獨行極難取見綱輒遁今案此魚土人謂之紅眼禱鰓亦呼爲鱒子

鮎 爾雅鮎鮎說文作鮎案鮎之種類甚多說文云鮎鮎也鮎大鮎也本草蜀本圖經云有二種口腹俱大者名鱧背青而口小者名鮎口小背黃腹白者名鮎一名酒狇三魚並堪爲臠廣雅云鮎鮎也字或作鮎戴侗云鮎魚無鱗哆口豕頰長須江東謂之鮎其大者謂之吳言其哆口也字又作鮎廣雅云鮎鮎也爾雅翼云鮎魚偃頰兩目上陳口方頭大尾小身滑無鱗謂之鮎魚言黏滑也今

新城縣志卷十九

地物篇 庶務 鱒介

十七

邑人通呼爲鮎魚

鱖 玉篇鱖魚大口細鱗斑彩爾雅翼云鱖魚巨口而細鱗鬣鬣皆圓黃質黑章皮厚而肉緊特異常魚其斑文尤鮮明者雄也稍晦昧者雌也

泥鱖 說文鱖鱖也埤雅今泥鱖也似鱖而短無鱗以涎自染難握與魚爲牝牡又名委蛇司馬彪莊子注云委蛇泥鱖廣雅云鱖鱖也玉篇鱖小鱖也莊子庚桑楚篇云尋常之溝巨魚無所旋其體而駟鱖爲之制釋文云謂小魚得曲折也今案鱖出入泥中銳首無鱗身青黑色以涎自染亦善作聲其情狀也

石鱧 此魚穴山澗中三伏之時西山雨後水漲發隨而下身長一寸許大者至二寸無腸無刺土人以葦箔截而取之其味肥甘香嫩此爲新城之特產人呼爲石榴魚畿輔舊志謂石鱧之母長四五寸人無食之者

鱒 李志一名駙魚呂氏春秋云魚之美者有洞庭之駙埤雅旅行以相即也故

謂之鰓以相附也故謂之鰓今案此魚喜偎泥不食雜物冬月肉厚子多味尤肥美神異經謂喜暑能避寒今河水陂澤中多有之

鰓 李志云一作鱗一名黃鰓一名黃鱗爾雅翼云鰓似蛇無鱗有涎沫夏月於淺水作窟淮南子云蛇鰓着泥黃質黑文今案今人所食鰓魚其形似蛇者名爲蛇鰓而尤以白鰓爲美白鰓一名鰓玉篇云鰓似蛇無鱗甲其氣能辟蠹蟲趙辟公雜說云鰓鱣以影漫於鱧魚則其子皆附鱧之鬣而生故謂之鰓鱣也境內河中有黃鰓而白鰓甚稀

蛇 蛇之種類不一李時珍云蛇字古作它俗作地篆文象其宛轉屈曲之形蛇在禽火在卦爲巽風在神爲玄武在物爲毒蟲有水火草木土五種青黃赤白黑金翠斑花諸色毒蟲也而有無毒者鱗蟲也而有毛者卵生也而有胎產者腹行也而有四足者又有冠者角者翼者飛者獸首人面者兩首者兩身者歧

新城縣志卷十九

地物篇 雜物 鱗介

十八

尾者鉤尾者煽尾者拖形者杵形者又有青蛇白蛇蒼虺白頸黑甲赤目黃口之類蛇出以春出則食物其蟄以冬蟄則含土其舌雙其耳聾其聽以目其蟠向壬其毒在涎其珠在口其行也紆其食也吞皮數解蛻蛇交蛇則雄入蛇腹交雉則主蜃及蠟蛇以龜鱉爲雌又與鱣鰓通氣入水交石斑魚入山與孔雀匹其所述諸蛇名性多非北方惟黃蛇青蛇北方嘗見之

鼈 說文云鼈甲蟲也酉陽雜俎云鼈無耳爲守神陸機鼈賦云鼻嘗氣而忌脂耳無聽而受響又云其狀也穹脊連脅元甲四周周書王會長沙鼈注云特大而美故貢也鼈與龜一類而鼈較大故說文云鼈大鼈也古今注云鼈一名河伯從事李時珍云鼈行蹙蹙故謂之鼈高志云又名守魚土人謂之團魚今新城沿河之人多有用作叉鼈者

蟻 說文蟻有二敖八足旁行非蛇鰓之穴無所庇傳臆蟻譜云蟻鵲眼鸞足蛭

腦蝟腹其爪類拳丁其螿類執鉞生於濟鄆者其色紺紫產於江南者其色青
白容齋四筆載文登呂亢蝟圖凡十二種荀卿子謂蝟六跪二螿許慎說文亦
曰六足二螿蓋循荀子之說而偶誤耳埤雅云蟹旁行故今里語謂之旁蟹今
案蝟生石縫中至秋膏梁紅時羣上其巔食穗其爲禾害故八九月間蝟最肥
美此物出天津今新城河中偶網得之不多見也

蛙 廣雅鼃蝟長股也說文云鼃蝦蟇也鄭注考工記梓人云脰鳴鼃屬一作
蛙周官蠃氏掌去蛙黽鄭司農云蠃當爲蟻蟻蝦蟇也名醫別錄云鼃一名長
股生水中陶注云大而青脊者俗名土鴨其鳴甚壯又一種黑色南人名蛤子
食之至美又一種小形善鳴喚名鼃子今案陶所說蛙形象與今不同青脊者
脊上有三道金文其鳴聲如播鼓連絡不斷邑人謂之菜河蟇可食俗名天
雞是也一種土色腹大皮上多疥瘡鳴聲甚高聒人耳陳藏器云蝦蟇能跳接

新城縣志卷十九

地物篇 庶物 鱗介

十九

百物解作呬呬聲即此物也今邑人通呼爲疥河蟇不可食陶注所云黑色者
恐非此類也

蚌 爾雅蚌含漿郭注云蚌即蜃也晉語注云蛤蜃皆蚌類小曰蛤大曰蜃案此
類形修而扁如石決明而殼兩片相合大者腹內生珠郭璞讚云雀雉之化含
珠懷璫與月盈虧協氣晦望今邑人呼爲瓦蚌蛤呼爲蛤刺蛤刺即蛤蜊之轉
河中處處有之李志云說文蛤有三種蠃蛤海蛤魁蛤圓而厚外有理縱
橫即今蚶也爾雅謂之魁陸此地是河生之小蛤

蝦 蝦本作鰕蝦俗字李時珍云江湖出者大而白溪池出者小而青皆磔鬚鉞
鼻尾有硬鱗多足而好躍其子在腹外李志云藝文類聚蝗化爲蝦急就章今
之海蝦堪酢醢即所呼蝦米者又所在水中小蝦可生啗若燻而食之者皆是
也

螺 螺與贏同爾雅贏小者蝸郭注云螺大者如斗出日南漲海中可以爲酒杯
吳語其民必移就蒲贏於東海之濱蒲贏即僕藥中山經僕藥又作蟻螺又轉
爲薄贏高注淮南云贏蓋薄贏也今邑人通呼爲薄螺即薄贏也

以上鱗介之類

蠶 說文蠶吐絲蟲爾雅云蠶桑繭郭注云食桑葉作繭者即今蠶春秋考異郵
云陽物火惡水故蠶食而不飲陽立於三春故蠶三變而後消死於三七二十
一日故二十一日而繭爾雅翼云喙吽吽類馬東方朔傳作喙頰頰色斑斑類虎爾雅作
李時珍云有大小白烏斑色之異高注淮南云蠶上下絲於口曰弭絲荀子有
蠶賦云蠶以爲母蛾以爲子三伏三起事乃大已洋人養蠶法最精確凡所蓄
蠶子無一不成者自初出至老喂之之法尤爲詳細

蜻蜓 爾雅虹蜺負勞郭注云或曰即蜻蛉也江東呼狐黎方言蜻蛉謂之蜺蛉

新城縣志卷十九

地物篇 庶務 鱗介 蟲 二十一

郭注云六足四翼蟲也呂覽云海上之人有好蜻者高注云蜻蜻蜓小蟲細腰
四翅一名白宿淮南子水蠶爲蠶高注云蠶青蛉也爾雅翼云水蠶既化蜻蛉
蜻蛉相交還於水上附物散卵復爲水蠶也本草陶注蜻蛉一名諸乘古今注
云一名青亭色青而大者是也小而黃者曰胡黎小而赤者曰赤卒一名絳騶
一名赤衣使者一名赤弁丈人好集水上郝氏云今呼赤色者爲火壺盧即紅
胡黎之聲轉大而青者順天人呼老琉璃亦曰馬郎今案境內通呼爲馬郎大
而青者曰青頭郎小而赤者名火馬郎多則主水亦有極細在水草上者青灰
色亦水蠶所化也

螢 爾雅燐火即炤郭注云夜飛腹下有火本草螢火一名夜光吳普本草一名
夜照一名熠燿一名景天一名挾火陶注云此是腐草及爛竹根所化或曰螢
亦卵生螢火有二種一種飛者形小頭赤一種無翼形似小蛆灰黑色而腹下

火光於飛者今案二種處處有之詩傳云熠燿燐也淮南子以久血爲燐燐爲鬼火與螢火異

蚯蚓 說文蠶蟻也蟻與蚓同聲字本草云蚯蚓一名曲蟻一名土龍爾雅謂之蠶蟻巴人謂之胸臆今新邑人謂之曲蟻易通卦驗云芒種蚯蚓出月令孟夏之月蚯蚓出仲冬之月蚯蚓結蔡邕云結猶屈也

蝻 說文蝻繭蟲也廣志云凡草木蟲以蝻爲蛾蓋不專指蠶蝻而言凡繭蟲皆曰蝻今則專以蝻屬蠶荀子蠶賦云蝻以爲母蛾以爲父埤雅云蝻者蠶之所化蠶者蝻之所化

蟬 論衡無形篇云蟬蛻化爲復育復育轉而爲蟬或言朽木所爲舊說蟋蟀所變郝懿行云皆非也今驗雌蟬不鳴遺子入地而生也方言蟬楚謂之蜩秦晉之間謂之蟬海岱之間謂之蜩其大者謂之蜩或謂之蝻馬今案方言誤以蝻

新城縣志卷十九

博物篇 庶務 蟲

二十一

馬連文郭璞云爾雅蝻者馬蝻一名馬蝻廣韻云馬蝻大蟬也凡言馬者皆訓大馬蟻馬蜂皆是也今以五月先鳴者爲蝻身小灰色其聲如琴故古人呼爲蟬琴蘇頌云今夏中所鳴者比衆蟬最大古之馬蝻也今謂之馬蝻讀馬其形龐大而色黑鳴聲宏壯都無回曲陶注本草云七月八月鳴者名蝻聲平色青其聲自呼曰啼蝻啼蝻廣雅云啼蝻蝻也郝氏云順天人謂之夫參夫娘新城人亦然以上諸蟬土人統乎曰蝻

蝴蝶 廣雅蛺蝶蟹蚨也蛺蝶即蝴蝶古今注云蛺蝶一名野蛾一名風蝶江東呼爲撻末色白背青者是也其大如蝙蝠者或黑色或青斑名爲鳳子一名鳳車一名鬼車生江南柑橘園中今案北方花木上各色大小蟲皆化蝴蝶黃色白色紅色者最多鮮黑色者土人呼爲胡胡蝶讀如

蟋蟀 郭注爾雅蟋蟀蟋蟀云黑甲蟲噉糞土廣雅云天社蟋蟀也說文作渠蟋

郝氏云蟻蝦體圓而純黑以土裹糞弄轉成丸雄也雌推穴地納丸其中而去
不數日間有小蟻蝦出而飛去蓋字其中也此有二種小者體黑而闇晝飛夜
伏即轉丸者一種大者甲黑而光頂上一角如錐腹下有小黃子附母而飛晝
伏夜出喜向燈光其飛烘烘然俗呼之鐵甲將軍今案新邑土人呼齒科蝦
天牛 陳藏器云蠋在朽木中至春羽化爲天牛兩角狀如水牛色黑背有白點
上下緣木飛騰不遙與齧桑蟲相似

刀蝦 爾雅不過蠓蟻郭注云蠓蟻蟪蝦別名其子蟬蛸注云一名蟪蟪蟪蟪卵
也月令云小暑至蟪蝦生鄭注云蟪蛸母也蟪蛸即蟪蛸音轉字爾雅又云莫
翁蟪蝦蟪注云蟪蝦有斧蟲江東呼爲石蝦方言一名髦一名釘一名蟪蟪又
名齧臄高注呂覽云蟪蝦一日天馬一日齧臄兖州謂之拒斧今案蟪蝦今謂
之刀蝦其性驚悍喜捕擊有青灰二色大腹長頸莊子人間世篇云蟪蝦怒其

新城縣志卷十九

地物篇 庶務 蟲

二十二

臂以當車轍故古人謂之勇士吳普本草云桑蟪蛸一名冒焦聲之轉也廣雅
以蟪蛸爲鳥漢西陽雜俎以爲野狐鼻漢今新邑土人謂之老雅濃涕附著樹
枝上堅不可解 涕澀如果
音之轉也

蜈蚣 廣雅蜈蚣吳公也蜈蚣似蚰蜒而長大尾末有歧本草陶注云蜈蚣一名
蜈蚣其性能制蛇見大蛇便緣而食其腦案蜈蚣郭注云似蝗而大腹長角能
食蛇腦所言之狀不似蜈蚣當是一類爾雅翼云蜈蚣生深山枯木中者遇天
將雨羣就最高處作拏空欲奮之狀今案蜈蚣處處有之斷之能自續

蟻 廣雅蛾蟻元蚰蚰蟻蟻蟻也悉本方言蟻與蛾同俗作蟻爾雅蚰蚰大蟻
小者蟻郭注方言云蚰蚰亦呼蟻蟻蚰蚰一聲之轉今新城呼大蟻爲馬蟻小
者爲蟻蟻易林云蟻封戶穴大雨將集爾雅翼云蟻有翅者柱中白蟻之所化
也以泥爲房詰曲而上往往變化生羽遇天晏溫羣緣而出飛不能高尋則脫

翼藉藉在地而死今案黑蟻亦有生翼者但不能飛耳

斑蝥 陳藏器云盤蝥一名斑貓吳普本草又名斑菌曰騰髮曰晏青陶弘景云此一蟲五變二三月在芫花上即呼爲芫青四五月在王不留行草上即呼爲王不留行蟲六七月在葛花上即呼爲葛上亭長八九月在豆花上即呼斑蝥九十月復還地蟄即呼爲地膽太平御覽引神農本草經亦云春食芫夏食葛秋食豆冬入地時更各異案今所見者多在棗樹上螫人不覺不知是此蟲否耳

蝓 爾雅蝓蝓郭注云蝓屬也本草云雀甕一名躁舍別錄云生樹枝間蝓壘壘房也陶注云蝓蝓蝓蟲也其背毛螫人陳藏器云蝓蟲好在果樹上大小如蠶者有五色爛毛刺人有毒欲老者口中吐白汁凝聚如雀卵以甕爲繭在中作蛹羽化而出作蛾放子如蠶子於葉間今案境內果木上處處有之士人

新城縣志卷十九

地物篇 庶務 蟲

二十三

呼爲混混又名洋辣子螫人久不愈

甕底蟲 爾雅蟠鼠郭注云甕器底蟲說文作鼠婦即詩七月之伊威也陸機疏云伊威一名委黍一名鼠婦在壁根下甕底土中生似白魚者是也今案伊威長半寸許灰色背有橫紋短鬚腹下多足生水甕底或墻根溼處河南人謂之破鞋蟲今人家處處有之

蠹魚 爾雅蟬白魚郭注云衣書蟲一名蚘魚本草云衣魚一名白魚穆天子傳云蠹書於羽陵郭注云暴書蠹蟲因曰蠹書也今案蠹魚長半寸似魚形歧尾身如傅粉華色可觀舊書厨中最多

蝸牛 說文蝸蝸也山海經僕藥郭注云蝸牛也通志云蝸牛曰蝓蝓莊子則陽篇云有所謂蝸者君知之乎釋文引李云蝸蟲有兩角俗謂之蝸牛三蒼云小牛螺也一云俗名黃犢陶注本草蝸牛云蝸牛字是力戈反力戈讀爲螺鄭注

尚書大傳云螺蝸牛也而俗呼爲瓜牛生山中及人家頭形如蛞蝓但背負殼爾古今注云蝸牛陵螺也形如蛞蝓殼如小螺熱則自懸於葉下野人結園舍如蝸牛之殼故曰蝸舍魏焦先及楊沛並作瓜牛廬爾雅翼云蝸牛生池澤草木間頭有兩角行則出驚則縮首尾俱能藏入殼中盛夏日中則自懸樹葉下涎沫既盡隨即稿死今案此蟲雨後墻壁草木間到處皆是

蝓 爾雅蝓蝓郭注云井中小蝓蝓赤蟲一名子了說文云冑小蟲也冑即蝓也虫旁係後人所加廣雅云子了蝓也子了象形即蝓蝓淮南說林篇云子了爲蝓高注云子了結蟠水上倒跂蟲爾雅翼謂之釘倒蟲此蟲頭重尾輕尾末有歧行則尾在其下止則頭懸在下尾在上故謂之倒跂今案北人謂之跟頭蟲久之化爲蚊尾生四足遂蛻而爲蚊矣郭注赤蟲乃別是一種細如縷赤色蝓蟻拳曲出入泥中亦化蚊者也土人呼爲紅線蟲非蝓蝓也

新城縣志卷十九

地物篇 庶務 蟲

二十四

顛當 爾雅王蚨蟻郭注云即蟻蟻似蠶在穴中有蓋今河北人呼蚨蟻西陽雜俎云齋前雨後多顛當窠深如蚓穴網絲其中上蓋與地平大如榆莢常仰捍其蓋伺蠅螻過輒翻蓋捕之縷入復閉與地一色無隙可尋而蜂復食之秦中鬼謠云顛當顛當牢守門蠅蟻寇汝無處奔劉崇遠金華子云長安里中小兒常以纖草刺地穴共邀勝負以手撫地曰顛當出來既見草動則釣出赤色小蟲形似蜘蛛江南小兒謂之釣駱駝其蟲背有若駝峯然也今案此蟲狀一如金華子所云今驗此蟲穴於堅硬地上大如蟻穴郝氏謂穴沙爲居非也兒童嘗以髮繫蟻納入穴中釣之境內處處有之又有一種在沙土上旋轉一坑如錢大小兒以絲線繫蟻在其坑中旋動即有小土鼈出食之形如鼈土色大小不一然亦不知何名也此二者皆書中所不經見

蝓

爾雅蝓蝓女郭注云小黑蟲赤頭喜自經死故曰縊女說文本爾雅孫炎注

與郭同異苑云蜺長寸許頭赤身黑恒吐絲自懸爾雅翼云有蟲半寸以來周
圍植以自裹行則負以自隨亦化蛹其中俗呼避債蟲今案此蟲形狀皆如孫
郭所云其窠以草根結成身隱其中倒懸橫木之上其窠極堅固不可解久之
化蛹飛去境內多於古廟中見之

軸蟻 爾雅蟻術入耳郭注云軸蟻鄭注梓人云郤行蟻術之屬釋文云此蟲能
兩頭行是郤行也軸蟻又名蛉窮淮南秦族篇云昌羊即昌去蚤蚤而人弗席
者爲其來蛉窮也高注云蛉窮幽翼謂之蝥蟻入耳之蟲也邢疏云此蟲象蜈
蚣黃色而細長呼爲吐古陳藏器云好脂油香能入耳及諸竅中以驢乳灌之
化爲水方言一名蟻術一名入耳一名蜚蠊一名蚘蚘郭注云江東
又呼蚤今邑人通呼流蟻即軸蟻同聲字

錢龍 廣雅蝮蛟蠃蝮也說文云蠃多足蟲也一切經音義九引通俗文云務求

新城縣志卷十九

地物篇 庶務 蟲

二十五

謂之蛟蝮關西呼爲蚤蛟務求即蠃蝮也博物志云蠃蛟蟲溺人影隨所著處
生瘡今案蠃蛟肉色光澤多足易折長寸許行於壁上往來甚捷邑人謂之錢
龍因又呼爲錢串子

蟻蟻 爾雅蟻蟻蟻郭注云在糞土中本草云蟻蟻一名蟻蟻一名肥齊一名敦
齊生平澤及人家積糞草內反行者良陶云大者如足大指以背行及駛於脚
方言有蟻蟻蟻卷蠃喧殼蝮蝮蝮蝮天蠃之名今邑人呼爲慈蟻即蟻蟻
同音字也

螻蛄 廣雅蚤鼠津姑螻蛄螻蛄蛤螻蛄也爾雅螢天螻注云螻蛄也埤雅引
孫炎爾雅正義云螢是雄者喜鳴善飛雌者腹大羽小不能飛翔食風與土也
方言云螻蛄謂之杜蝮螻蛄謂之螻蛄或謂之豫蛤及杜狗蝮螻蛄廣志亦名蝮
姑淮南時則訓孟夏之月螻蛄鳴注云螻蛄今案螻蛄爲螻蛄語聲之轉高

誘注呂覽以螻蛄爲蝦蟇非今案螻蛄翅短不能遠飛土黃色四足頭如狗頭故邑人呼爲土狗即杜狗也又俗呼爲拉拉古螻蛄喜夜鳴聲清長無回轉喜就燈光今兒童聞其聲即在其處用兩塲中隔一小圓棍磨之即出

聒聒 爾雅草螽負蟻郭注云詩曰嘒嘒草蟲謂常羊也陸疏云草螽一名負蟻大小長短如蝗奇音青色好在草茅中郝氏云今驗一種青色善鳴者登萊人謂之聒子濟南人謂之聒聒並音如乖順天人亦謂之聒聒音如哥體青綠色比蝗蠱短狀類蟋蟀鼓翼而鳴其聲清滑及至晚秋鳴聲猶壯詩出車箋草蟲鳴晚秋之時及陸疏奇音青色唯此足以當之今案郝說是也草蟲之名各書不載人皆以莎雞當之今驗聒聒鳴於上下必有雌者伏於下詩所云阜螽是也雌者較公者身略長大故曰阜螽北方人呼爲驢駒

蝗 蝗即詩之螽斯其子最繁故詩以比子孫之衆多爾雅蟋蟀蟻蚻蟻谿皆螽

新城縣志卷十九

地物篇 蟲

二十六

斯之類今人謂之抹扎抹扎有黃青二色均害稼者也土抹扎即爾雅之土螽蟻谿郭注云似蝗而小謂之土蟻其色斑黑亦不甚害稼不似蝗之結隊成羣也

蟋蟀 爾雅蟋蟀蜚郭注云今促織也亦名青蛩說文云蜚悉蛩也方言云蜻蛚楚謂之蟋蟀或謂之蜚南楚之間謂之蛀孫陸疏云蟋蟀似蝗而小正黑有光澤如漆有角翅一名蜻蛚楚人謂之王孫幽州人謂之趨織里語曰趨織鳴嬾婦驚是也趨織一名促織周書時訓解云小暑之日溫風至又五日蟋蟀居壁呂覽季春紀蟋蟀居宇詩傳云九月在堂十月在牀下李善注謝惠連擣衣詩以莎雞爲蟋蟀蔡邕以蟋蟀爲斯螽高誘以蝓蛆爲蟋蟀皆失考今案新邑人呼爲趨趨即促織語聲之轉也

竈馬 形類蟋蟀而色不黑亦不光澤萃居竈上盈千累百鳴聲亦似蟋蟀但不

宏壯耳人多以此爲促織土人皆呼爲窸馬王維詩燈下草蟲鳴當即此類
蠅虎 古今注疏蠅虎蠅狐也形似蜘蛛而色灰白善捕蠅一名蠅虎子潛確居
類書一名蠅豹身黑嘴有雙肉爪攫蠅而食兩目似虎按蠅虎亦蜘蛛之屬不
能結網惟居墻壁捕蠅食其體灰褐色身上有微毛嘴有兩鉗翕吸頻動跳躍
如虎亦有純白色兩目朱色絕可愛今案有一種較蒼蠅粗大青色見蠅集處
飛而捕之里人亦名曰蠅虎但不知書冊中作何名也

螿虎 說文易蜥蜴螿守宮也在壁曰螿蜴在草曰蜥易郭義恭廣志云螿蜴
有屋壁間者有草野者有石上者本草石龍子一名蜥蜴一名山龍子一名守
宮一名石蜴案唐本注云螿蜴似蛇師不生山谷在人家屋壁間荆楚江淮人
名螿蜴河濟之間名守宮亦名榮螿又名螿虎以其常在屋壁故名守宮亦名
壁官今驗此種灰黑色一如唐本注所言其在草野者灰白色牲畜食之能去

新城縣志卷十九

地物篇 庶務 蟲

二十七

熱新邑所有者祇此二種通名曰螿虎

蜘蛛 爾雅次蠶蠶螿螿螿螿郭注云今江東呼螿螿音蠶土蠶螿注云在地
中布網者草蠶螿注云絡幕草上者次蠶說文作蠶螿云作罔蛛螿也釋文蠶
或作螿方言俱本爾雅又云或謂之蠶螿或謂之螿螿郭注云齊人又呼社公
亦言罔公又有名螿螿赤斑者俗名絡新婦本草拾遺云螿螿在孔穴中作網
開一門出入即土蜘蛛也類聚引廣志云草蜘蛛在草上色青土蜘蛛在地上
春行草間秋系在草郝氏云按此有數種青斑色及黃赤色並雜色者或扁如
榆莢或大如菜子及粟粒並布網絡幕草上亦作孔出入如草蜘蛛又案爾雅
蠶螿長跣郭注云小蠶螿長脚者俗呼爲喜子陸疏云蠶螿一名長脚荊州河
內人謂之喜母此蟲來著人衣當有親客至有喜也幽州人謂之親客亦如蜘蛛
爲羅網居之郝氏云此蟲作網但有縱理而無橫文如絡絲之狀黃色其腹

幹甚小今案此蟲腰細如麥粒長股行不甚速西京雜記云蜘蛛集而百事喜曹植云得螻者莫不馴而放之爲利人也韓翃詩云少婦北來多遠服應知螻子上人衣今人亦謂上人衣有喜又有一種其形扁在牆壁角間結窠白如綿大如錢名曰壁錢

蜂 說文蠶飛蟲螫人者也方言云蠶燕趙之間謂之蠨螋孝經援神契云蠶螫垂芒字或作蜂今案蜂之類甚多本草有蜜蜂土蜂大黃蜂露蜂竹蜂赤翅蜂獨脚蜂蠨螋今驗本境黃蜂細腰如針黃色好在屋簷下樹上作房育子其房入藥又有黑黃色大蜂好抱小蜂食之土人謂之牛馬蜂又有一種綠色者如蜜蜂大好在樹根下結窠蜜蜂說文作蠶云蠶甘飴也鬯古蜜字韻集蜜蜂采百草華所作也裴松之表云蜜蜂采百草故能甘踰木質博物志遠方諸山出蜜蠟其處人家有養蜂者其法以木爲器開小孔纔容蜂出入以蜜蠟涂器安

新城縣志卷十九

池物篇 應務 蟲

二十八

著檐前春月此蜂有時來過人家園垣者捕三兩頭納之器中數宿出蜂飛去尋將伴來還經日漸益不可復數至夏間器取蜜蠟所得多少隨歲中所宜豐儉自外國蜂入中國人人效其養法收獲尤鉅多有致富者爾雅翼云蜂所食物味因之變故有黃連蜜梨花蜜等今案時至今日倫常道廢惟蜂尙守舊君臣之分甚嚴生死不變觀於物令人憮然

蝶羸 爾雅果羸蒲盧郭注云即細腰蜂俗呼爲蠨螋說文云天地之性細要純雄無子引詩螟蠕有子蝶羸負之又云螟蠕桑蟲也詩小宛鄭箋蒲盧取桑蟲之子負持而去煦嫗養之以成其子陸疏云螟蛉者桑上小青蟲也土蜂似蜂而小腰取桑蟲負之於木空中葦筒中七日而化爲其子里語田祝云象我象我陶注本草曰蠨螋云今一種蜂黑色腰甚細銜泥於人壁及器物邊作房如併竹管者是也其生子如粟米大置中乃捕去草上青蜘蛛十餘枚滿中仍塞

穴口以擬其子大爲糧也其一種入蘆竹管中者亦取草上青蟲詩所謂螟蛉有子蝶負之者是也今案此二種境內所嘗見是否負取爲己子則無從臆斷也

蝟 廣雅虎王蝟也爾雅蒙毛刺郭注云今蝟狀似鼠說文云蒙蟲似豪緒而小孝經援神契云蝟多刺史記龜策傳云蝟辱於鵠集解引郭璞曰蝟能制虎見鵠仰地本草陶注云田野中時有此獸人犯近便藏頭足毛刺人不可得捉能跳入虎耳中而見鵠便自仰受啄物有相制不可思議爾蝟能制虎故有虎王之稱廣雅入之釋蟲以其微物也今因之北方此物甚多棗熟時能升樹搖撼之棗落滿地然後由樹上跳下棗便滿刺故鄉間蝟有竊棗之名也

蝙蝠 夏小正田鼠化爲鴛古今注云蝙蝠一名仙鼠一名飛鼠五百歲色白腦重集物則頭垂故謂之倒挂今案蝙蝠多乳生者不盡爲鼠所化也一名服翼

新城縣志卷十九

地物篇 庶務 蟲

二十九

土名蠟蠅邑人謂之檐蝙蝠以其穴人檐下故名檐蝙蝠曹植蝙蝠賦云二足爲毛飛而含齒巢不哺殼空不乳子不容毛羣斥逐羽族下不蹈陸上不馮木案蝙蝠似鼠黑色翅與足連黃昏始出子則銜其乳飛不盡爲田鼠所化也爾雅蝙蝠伏翼注云齊人呼爲蠟蠅今人謂之檐蝙蝠以其慣居人家檐下故也廟宇中尤多

馬蟻 此即爾雅之蛭蟻至掌也一切經音義十一云蛭謂入人皮中食血者也江東名蟻本草圖云今近處河池中多有之一名螟蛭有數種生水中名水蛭著人及牛馬腦脰間啞其血甚者入肉中產育今俗呼爲馬螟新邑人通謂之馬蟻生漚麻坑中者最多

蠹 廣雅云蠹蠹也通俗文云長尾爲蠹短尾爲蠹一切經音義二云蠹毒蟲尾有刺剖背而生御覽引詩義疏云蠹一名杜伯幽州謂之蠹據蠹與蠹蓋一物

故廣雅云蠱蠱蠹也春秋考異郵云守宮食蠱嘗見壁間上一守宮下一蠹相
隔二三尺守宮屢搖其尾而蠹則一空皮落地矣蓋守宮以氣吸而食之故人
謂守宮爲蠹虎

蠹 說文蠹齧人飛蟲也別有小蟲齧牛馬者名曰蠶楚語云譬之如牛馬處暑
之既至繼蠹之既多而不能掉其尾李昭注云大曰蠹小曰蠶今邑人通呼爲
夏蠹蠹讀如蒙說文又有蠹字云齧牛蟲一切經音義十七云今牛馬雞狗皆
有蠹今案通俗文云狗蟲曰蠹蠹即蠹也蠹北人讀如施與蠹同音

蠹 李時珍云蠹飛營營其聲自呼故名蠹處處有之夏出冬蟄喜暖惡寒蒼者
聲雄壯青者糞能敗物巨者首如火麻者茅根所化蠹聲在鼻而足喜交其蛆
胎生蛆入灰中蛻化爲蠹若溺水死得灰復活故淮南子曰爛灰生蠹古人憎
之今案蒼者名蒼蠹青者名綠豆蠹即詩之青蠹也均大於常蠹

新城縣志卷十九

地物篇 庶務 蟲

三十

蚤 說文蚤齧人跳蟲曹植云得蚤者莫不糜之齒牙爲害身也字或作蠶論衡
云蠶慙閭蠹皆食人案即蚤蚤蠶蠹今案多生於潮溼之地

蝨 說文云蝨人蟲易林萃之大過乳頭多憂搔蝨生愁枹朴子云今頭蝨著身
皆稍變而白身蝨處頭皆漸化而黑又云蝨羣攻則臥不安矣今案蝨從爛綿
絮着熱而生或云從肉中生

蚊 說文蠹齧人飛蟲俗從虫從文通俗文云蝟化爲蚊淮南說文訓云子下爲
蠹東方朔別傳郭舍人曰願問朔一事朔得臣願稽百朔窮臣願當賜帛曰客
從東方來歌謳且行不從門入踰我垣牆遊戲中庭上人殿堂擊之桓桓死者
攘攘格鬥而死主人被創是何物也朔曰長喙細身晝亡夜存嗜肉惡爛爲掌
指所捫臣朔愚慙名之曰蠹舍人辭窮當復脫禪案蚊之類不一夜齧人者其
來有古之所謂蚊雷是也有白晝即出者較蚊稍大黑白花無聲咬人最厲有

極細小張兩翅者土人謂之白靈子飛亦無聲皆水蟲所化

以上蟲豸之類

馬 說文馬怒也武也象馬頭髦尾四足之形春秋說題辭云地精爲馬十二月而生應陰紀陽以合功故人駕馬任重致遠利天下月行度疾故馬善走牡曰兒馬牝曰騾馬子曰駒

牛 說文云牛牲也象角頭三封尾之形陳藏器云牛有數種南人以水牛爲牛北人以黃牛烏牛爲牛在畜屬土在卦屬坤坤土緩而和其性順也乾陽爲馬故蹄圓坤陰爲牛故蹄坼牛耳聳其聽以鼻牛瞳豎而不橫其聲曰牟項垂曰胡嚼草復出曰齧馬起先前足臥先後足從陽也牛起先後足臥先前足從陰也牡曰牯曰特牝曰特去勢曰犍子曰犢

騾 說文作羸云騾父馬母漢書西域傳云騾非驢馬非馬也王所謂羸也監

新城縣志卷十九

地物類 庶物 蟲 家畜

三十一

鐵論云羸驢之用不中牛馬之功唐書藩鎮傳云吳少誠地少馬乘騾號騾子軍爾雅翼云馬力在前驢力在後驢在腰羸股有鎖骨故不能生其狀大骨若白而口小小骨若杵而頭大小口銜大頭故不可出所以不滋息嘗見里中間有騾生駒者然無乳故多餓死

驢 此係馬乘驢所生類騾惟耳長身略小而與驢相似世謂之驢騾

驢 說文似馬長耳袁淑有廬山公九錫文略云青脊隆身長頰廣額修尾後垂巨耳雙磔顧炎武云驢之物至漢而名至靈帝時賈與馬齊其種大抵出於塞外自趙武靈王騎射之後漸資中國之用

羊 說文羊祥也象頭角足尾之形孔子曰牛羊之字以形舉也賈誼云羊者西方之牲也古者多以羊爲祥古今注謂之長壽主簿牡羊曰羖曰羝牝羊曰羴白曰羴黑曰羴多毛曰羴羴無角曰羴去勢曰羴初生曰達詩先生如達是也

說文作牽子曰羔其鳴聲曰半綿婢反羊有兩種大尾無角曰大羊肥美中食小尾長毛狠健能登高北人謂之山羊味羶腥不中食

犬 說文狗之有粗疏者也象形孔子曰視犬之字如畫狗也犬與狗無別孔子曰狗叩也叩氣吠以守短喙曰獨獠長喙曰獠去勢曰猗犬以三月生在畜屬木在臥屬艮在禽應婁星其性最靈貧不去主能守夜能尋無名之屍外洋且有練狗軍使戰者古人以此爲食品今則鮮矣

豕 說文云豕彘也竭其尾故謂之豕象毛足而後有尾讀與豨同豬豕而三毛

叢居者定四年左傳盡歸吾艾綴釋文艾字豕生三月豨生六月豨鄭司農周

禮注云一歲豨二歲豨三歲特四歲肩五歲慎諸書說多不同豕曰豨豕曰豨去

勢曰豨子曰豨古今注謂之參軍豕爲不潔之物不但回教不食醫家亦以其污垢戒人少食肺尤盡多然邑人以此爲肉之一大宗也

新城縣志卷十九

地物篇 庶物 家畜

三十二

貓 苗茅二音自呼也陸佃云鼠害苗而貓捕之故字從苗禮記迎貓爲其食田

鼠也貓有數種黃白黑駁各色狸身而虎首毛柔細齒甚利或謂尾長腰短目如金銀及藍睛者爲良其睛能定時辰子午卯酉如一線寅申巳亥如滿月辰戌丑未如棗核李時珍云其鼻端常冷惟夏至一日則煖性畏寒而不畏暑能畫地下食與虎同形家家喜畜之三月而孕牡曰兒貓牝曰女貓

雞 說文雞知時畜新序雜事篇云君獨不見夫雞乎頭戴冠者文也足傳距者

武也敵在前敢鬪者勇也見食相呼仁也守夜不失時信也易說卦傳巽爲雞九家云應八風也風應節而變變不失時雞時至而鳴與風相應也二九十八主風二九順陽數故雞知時而鳴廣志云雞有胡雉五指金散反翅之種大者蜀小者荆長尾雞出東夷長鳴雞出九真郡今案新邑家家養雞雞有數種有九斤黃十斤黑之類小者大如鴿子名關東雞並有反毛者雄曰公雞雌曰母

雞亦曰草雞雞子名雛

鴨 鴨即鶩也禮曲禮庶人之摯匹注云說者以匹為鶩釋文云鶩鴨也

玉蕭鴨也

周禮大宗伯庶人執鶩鄭注云鶩取其不飛遷疏云象庶人安土重遷也爾雅舒雁鵝舒鳧鶩郭注云鴨也李巡云鳧野鴨名鶩家鴨名某氏云在野舒翼飛遠者為鳧郝氏則云舒者以其行步舒遲也皆非也鳧野鴨舒鳧則謂家鴨舒與舍同舍家也

今人稱家兄舍弟即此意

舒鳧猶云舍鳧即家鳧也舒鳧所以別於野鳧之名楚辭懷沙舒憂娛哀史記屈原賈生傳舒作舍是證也

鵝 說文雁鵝也鵝鳴鵝也廣雅云鳴鵝倉鳴雁也鳴與駕同通作駕魯大夫有榮駕鵝漢書司馬相如傳連駕鵝史記作駕蓋同音相假也爾雅舒雁鵝郭注禮記日出如舒雁今江東呼鳴音加李巡云野曰雁家曰鵝今案雁鵝同類互稱莊子山木蕭命豎子殺雁而烹之雁即鵝也特加舒字以別之解見前條

新城縣志卷十九

地物篇 庶物 家畜

三十三

以上家畜之類

右庶物